

吳友
如繪

二十四悌圖說

翻刊二十四悌圖序

原圖祇十二頁無題序無印發處亦不知當時得之何處芝清童時嚴父請教師在家課餘之暇每以是書及二十四孝事蹟作古事講授姊與弟等均聽之不自知其意味之深長也時逾卅載此書閣置已久今秋江浙之變翻理藏書重閱是帙與今世風頗有感觸雖時世不同生活亦異古之事蹟或有不適於今而其至性過人受敬兼到則一也暇日向各書肆詢問均無是書出售特請叔香母舅仿二十四孝圖說每頁各題五言八韻詩一首並屬善書流通處翻印行世彼閱牆者見之不知有動於中否是為序

中華民國十四年夏曆甲子十二月下浣梁生陳芝清謹識

二十四悌圖附詩序

陳甥芝清家藏二十四悌圖出以示余曰甥曾購得二十四孝圖說每頁後均附有五言八韻詩讀之頗堪發人深省今是圖足與二十四孝圖說並傳甥將付印以勸世人惜詩尚闕如舅其為我作之余曰諾遂攜書至家按題而詠詩既成閣置許久今始檢出持以付甥詩頗費推敲他日出版後甚望閱者加以糾正也

中華民國十六年二月十五古滬叔香賈豐芸序

二十四悌圖

舜在牀琴

帝師有虞氏舜至孝至悌
異母弟象傲謀欲殺舜一
日父母使舜浚井俟其入
象下石拚之以為必死不
知舜已出而至宮矣象往
入舜宮舜在牀鼓琴象見
舜有慙色而舜則象憂亦
憂象喜亦喜若無是事卒
使瞽瞍底豫而天下化此
舜之所以謂大智也歟



舜在牀琴

井廩難戕舜還宮獨在牀韶聞原美善琴
奏自悠揚歌叶南風雅聲啍北鄙強笛邊
三弄杏席上五絃張飯糗情猶憶穿蓂坐
不妨衿衣披御座寶瑟續清湘弟以思君
飾兄偏殺已忘此音如化傲憂喜即慈祥

義姑全宗

齊攻魯至郊見婦人攜一
子抱一子衆逐之乃棄所
抱者取所攜者抱而奔逐
得之問抱者誰曰兄之子
棄者誰曰己子也軍曰何
忍棄己子而抱兄子曰吾
夫在可望生育此孤兒吾
父兄止此一綫存之以延
宗祀齊軍感愧撤軍而退
魯君聞之賜束帛號曰義
姑



義姑金宗

不保兄之子。人誰重義姑。女宗能作則。幼
輩竟全軀。鄰敵強梁肆。孩童患難俱。抱攜
求上策。棄取決中途。救姪緣無後。拋兒為
有夫。情逾班。仗妹念切趙。存孤氣誼三。軍
感聲名兩字呼。高風如伯道。彤史善描摹。

鼎鑊爭趨

漢趙孝趙禮相友愛
歲饑賊據宜秋山掠
孝將食之禮奔賊所
曰兄病且瘠不堪食
我體肥願代孝不肯
曰我為將軍所獲死
命也汝何辜兄弟相
抱大哭賊感動並釋
之



鼎鑊爭趨

孝禮逢飢賊。都甘鼎鑊烹。趨炎渾不避。與
世豈無爭。饑饉加師旅。艱危屬弟兄。肉拚
礎上切。魚恥釜中生。祇學齊王醢。非調傅
說羹。躊躇全手足。踴躍作犧牲。代瘦推肥
意。成仁取義情。笑他煎豆急。同室自相傾。

布被連牀

漢姜肱博通五經名重公卿間與二仲友愛天至寢嘗同被夜俱詣郡遇盜欲殺之肱曰弟年幼父母憐愛之又未娶願以身贖弟仲曰兄年德在前為家寶為國俊願受戮全兄盜乃刳其衣服而去既抵郡郡人見肱無衣被問故肱託以他事終不言盜聞感悟詣肱叩頭謝還所掠物



布被連牀

友愛推姜氏。終宵大被連。藜牀無俗士。韋
布出高賢。衾似公孫製。裘殊白傅傳。簞清
聯各夢。鐵冷伴多年。花萼樓同穩。芙蓉枕
共眠。話添風雨際。春逗帳帷邊。置榻宜重
笏。承家勝一氈。義聲能格盜。故物尚依然。

教弟成名

漢許武會稽人父卒二弟
幼武每耕種令二弟從旁
觀看夜讀書坐二弟於旁
將句讀親口傳授細為解
說教以禮讓成人之道稍
不率教輒跪家廟前云武
無德不能教化願父母有
靈啟牖之直待二弟號泣
請罪方起人稱孝悌許武
官拜議郎二弟官至內史



教弟成名

許武才能教。欣看二弟成。學高齊北斗。名重播東京。芳已揚丹桂。情先勝紫荆。晝耕資課稼。夜讀伴支榮。造就無虛士。提撕及後生。義方勞代父。讓德稱為兄。職任良師匹。頭銜內史榮。當年家廟跪。感格仗真誠。

掩戶自撾

漢繆彤少孤兄弟四人
皆同財業及各娶妻諸
婦遂求分異又數有爭
鬪之言彤深懷忿歎乃
掩戶自撾曰繆彤汝修
身謹行學聖人之法將
以齊整風俗奈何不能
正其家乎弟及諸婦聞
之悉叩頭謝罪遂相敦
睦




掩戶自撾

此戶緣何掩。高賢為自撾。繆彤風紀重。范曄史書嘉。諸娣求分產。斯人愧正家。門惟思過閉。杖豈受親加。被髮誰堪救。修身我獨嗟。香聞宜入室。鼓試異催花。一棒驚同喝。雙扉靜不譁。深居能感弟。心竟格其邪。

疫癘不侵

晉武帝時大疫庾袁二兄俱亡次兄毗復危殆癘氣方熾父母兄弟皆出次於外袁獨留不去諸父兄強之乃曰袁性不畏病遂親自扶持晝夜不眠其間復扶柩袁臨不輟如此十有餘日疫勢既歇家人乃反毗病得瘥袁亦無恙遠近重之父老稱為庾賢而不名



疫癘不侵

疫不容人辟。應將庾袞侵。精誠能抵抗。毒
癘自消沈。同室都先避。孤身尚可禁。事兄
資毅力。卻鬼藉真忱。謝絕三年艾。拋殘一
籠參。命長非有縷。體健未須鍼。病竟無毫
髮。災難犯腹心。雁行雙逝者。扶櫬仗哀臨。